



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Cur Christus dicatur occisus ab origine mundi. Quorum non sunt scripta nomina in libro vitæ Agni, qui occisus est ab origine mundi. Sectio III.

urn:nbn:de:hbz:466:1-39261

blasphemabit nomen eius, & tabernaculum eius, & eos qui in caelo habitant. Et est datum illi bellum facere cum sanctis, & vincere eos. Et data est illi potestas in omnem tribum, & populum, & linguam, & gentem: & adorauerunt eam omnes, qui inhabitant terram, quorum non sunt scripta nomina in libro vite Agni, qui occisus est ab origine mundi. Quibus verbis exprimitur, quàm multos debeat Antichristus etiam ex iis, qui sanctitatem colent eo tempore, suæ potentia magnitudine, & mendacium lignorum effectione peruertere, atque ad sui obedientiam, & venerationem traducere: non quidem prædestinatos, sed reprobos, quorum nomina non sunt scripta in libro vite Agni, qui occisus est ab origine mundi. Quæ sententia quoniam præclara est, & eximia, peculiarem per se sectionem desiderat. Possumus mysticè per nomina blasphemiam depicta in septem bestia capibus accipere omnia vitiorum genera in septem capitalibus vitis cõprehensa, ita vt quodcũque peccatum latius sumpto vocabulo blasphemiam dicatur, eo quod, per illud debitus Deo cultus, & veneratio non adhibeatur.

Multos peruerit mendacium figuris effectione Antichristus.

Cur Christus dicatur occisus ab origine mundi.

Quorum non sunt scripta nomina in libro vite Agni, qui occisus est ab origine mundi.

SECTIO IIII.

Differens Ioannes de innumerabili illa hominum multitudine, quæ Anti-Christi Imperium debet admittere, sic ait: Data est illi potestas in omnem tribum, & populum, & linguam, & gentem: & adorauerunt eam, id est bestiam, omnes qui inhabitant terram, quorum non sunt scripta nomina in libro vite Agni, qui occisus est ab origine mundi: quibus verbis significauit Ioannes, electos, & prædestinatos (horum quippè nomina scripta sunt in libro vite) nõ consensuros Antichristo. Tractamus verò hunc locum propter eam potissimum sententiam, Agni, qui occisus est ab origine mundi. Quomodo enim Christus Dominus verè dici possit ab ipsa vtique mundi origine occisus? Franciscus Ribera in Comment. super Apoc. c. 3. nu. 10. & in Comment. huius loci, existimatis verbis contineri hyperbaton, id est transpositionem verborum, sententiãque esse ita nectendam: Omnes, qui inhabitant terram, quorum non sunt scripta nomina ab origine mundi in libro vite Agni, qui occisus est: ita vt illa verba, Ab origine mundi, non sint coniungenda cum illis, Qui occisus est: sed cum illis, Quorum non sunt scripta nomina. Et ita etiam per hyperbaton eundem locum intellexerunt Andr. Casar, Ioachimus, Abbas. Areth. Nicolaus Zeguer, & Tyeon. cuius homiliae in Apocalyp. falsò tribuuntur D. August. quam eandem lectionem approbat Beda.

Quomodo Christus dicitur occisus ab origine mundi.

Frãsc. Rib.

Andr. Casar, Ioachimus, Areth. Zeguerus, Tyeon, Beda.

II.

Verum non est cur ad hyperbaton recurramus: & eleuemus illustrissimum in laudem Christi testimonium, cuius mortem Deus ab origine mundi, imò ex æternitate præordinauit, acceptamque habuit: vt propter eius merita præuisa gratiam omnibus, præcipuè prædestinatis conferret: maximè cum ipse Græcus contextus nihil minus redoleat, quàm hyperbaton, quod prædicti auctores excogitare maluerunt, quia difficile admodum illis videbatur explicatu, quomodo Christus Agnus occisus ab origine mundi dici potuisset: & inde credo effectum, quod Tyconius pro, occisus est, legit, signatus est: nimiram aliquis sciolus, non intelligens locum mutauit verbum Græcum, ἰσθαρῶν id est, occisi, in ἰσθαρῶν, id est, signati. Itaque absque hyperbato locum intellexerunt

Lectio Tyconij reuocatur.

D. Thom. 3. p. q. 83. art. 1. & in Comment. super epist. ad Hebr. c. 9. lect. 5. & super Hugo Card. c. 12. lect. 4. Hugo Card. Ansbert. Gagnæus, Beda, Amb. quamquam hi postremi etiã hyperbati mentione faciunt, nec illud improbant. Sine hyperbato etiam legitur D. Ansel. & D. Iren. citati à Nicolao Zegucro in suis scholiis super Apocal.

D. Ambros. Duplex igitur iuxta hanc lectionem, quæ nobis magis probatur, est huius loci expositio. Vna est, fuisse Christum occisum ab origine mundi in figuris: mortem enim Christi figuratam, adumbratamque fuisse ab ipsa mundi origine patet ex Abele, cuius mortem typum fuisse mortis Christi docet Paulus ad Hebr. 12.

III. Christus occisus ab origine mundi in figuris. cum ait: *Mediatorem Iesum, & sanguinis asperionem melius loquentem, quam Abel.* Altera est appellari occisum ab origine mundi, hoc est, acceptatam eius mortem à Patre ab ipsa usque mundi origine: & propter eam multò post futuram, præuisam tamen, & acceptatam ex æternitate, collatam fuisse gratiam hominibus ab origine mundi, iuxta illud Pauli ad Ephes. 1. *Elegit nos in ipso ante mundi constitutionem.* Et illud 1. Petri 1. *Non corruptilibus auro, vel argento redempti estis de vana vestra conuersatione paterna traditionis, sed pretioso sanguine quasi agni immaculati Christi, & incontaminati: præcogniti quidem ante mundi constitutionem, manifestati autem nouissimis temporibus.* Priorem expositionem tradit D. Thom. locis citatis, D. Ansel. Ambr. & Ansbert. in Apoc. Vtramque afferunt Hugo Card. Gagnæus, & alij.

D. Thom.
Hugo Card.
Ansbert.
Gagnæus,
Beda.
D. Ambros.
D. Ansel.
D. Irenæus.
III.
Christus occisus ab origine mundi in figuris.
Heb. 12. 14.
Accepta mortem à Patre ab ipsa mundi origine.
Ephes. 1. 4.
1. Pet. 1. 18.
D. Thom.
D. Ansel.
D. Ambros.
Ansbertus.
Hugo Card.
Gagnæus.

Quid illa verba significant:

Hic est patientia, & fides Sanctorum.

SECTIO V.

I. **C**um Ioannes Antichristi potentiam à dracone, hoc est, à Dæmone acceptã, & innumerabilem hominum ex omnibus gentibus illi adhærentium multitudinem commemorasset, subiicit: *Qui in captiuitatem duxerit, in captiuitatem vadit: qui in gladio occidit, oportet eum in gladio occidi, hoc est, si nemo animum despoñdat, cum viderit usque ad eò felices Antichristi successus: etenim tandem ipse met, qui alios in captiuitatem ducit, in seruitutem quoque abducetur: qui alios gladio interficit, ipse etiam tandem perimetur, scelerumque pœnas dabit.* Deinde concludit Ioannes: *Hic est patientia, & fides Sanctorum* sed est, in hoc fides & patientia Sanctorum probabitur, cum nequaquam tantis rerum conuersionibus commouebuntur: sed cum fide patientiam retinebunt: sperantes iuxta sanctarum Scripturarum vaticinia fore, vt Antichristus, eiusque omnes sectatores tandem Deo in eos vendicante omnino pereant, Christi autem cultores illustrem glorie laboribus suis debitam coronam accipiant. Pro patientia est Græcè *ὑπομονή*, hoc est *sustinentia*: eo sensu, quo dicitur Psal. 26. *Expecta Dominum, viriliter age, & confortetur cor tuum, & sustine Dominum*, id est, confide de auxilio tibi præbendo à Domino, expecta illum cum fiducia, quamuis illum tardare videas.

Antichristus tandem in seruitutem abducetur, & perimetur.

Psal. 26. 14

II. Quod in præsentia maximè obseruari volumus est, persecutiones, & in vniuersum omnes, quæ mortalibus accidunt, difficultates esse veluti lapidem quendam lydium, ad quem fides, & patientia probantur: id enim disertè significauit hoc loco Ioannes, cum dixit, *Hic est patientia, & fides sanctorum*, id est ad huiusmodi lapidem probatur fides, & patientia sanctorum, quod præcipuè verum erit alienissimis illis sub Antichristi tyrannide temporibus. Imò illud non obscure videtur innuere Ioannes præcedentes omnes persecutiones esse veluti perlu-

Persecutio, fides, & patientia: lapis lydium.